



Միսաք Մեծարեւնց

Քոյր, մօտեցիր կըրակին

Քո՛յր, մօտեցի՛ր կըրակին,
ծըխէ տերեւն այս բուրեա՛ն,
զի ամէն բան ինձ կրկին
կը դարձընէ հոտն արեան:

Քո՛յր, մօտեցի՛ր դարակին
ու բեր հեղուկն հրնձանեան,
զի ամէն բան ինձ կրկին
կը դարձընէ համն արեան:

Քո՛յր, մօտեցի՛ր ճըրագին,
մարէ՛ գայն, թող լուսինկան,
զի ամէն բան ինձ կրկին
կը դարձընէ գոյնն արեան:

Քո՛յր, մօտեցի՛ր նըրագին,
երգէ՛ դաշտերն ու ցորեան,
զի ամէն բան ինձ կրկին
կը դարձընէ ձայնն արեան:

Քո՛յր, մօտեցո՛ւր իմ ձեռքին
աստուածաբոցն հրրացան,
զի ամէ՛ն բան ինձ կրկին

Կը յիշեցնէ վրէժն արեան...: